

〔愚管抄〕前關白忠實保延六年二月、中重內聽

〔本朝續文粹四表〕辭准后表

敦光朝臣

臣忠實言、今月三日、中使從二位行權中納言兼右衛門督中宮權大夫藤原朝臣宗能至、賜以勅命、抑厥款誠、雖仰聽之可塞、更歎綸誥之不許、臣某誠惶誠恐頓首頓首死罪死罪、臣聞陶唐至治之時、稷契持仁義之仗、隆漢昇平之日、蕭曹整文武之冠、信廼俟國器以導俗、開世鑒以馭民者也、臣小量而入大麓之路、下愚而登上台之階、萬機者昔之務也、割錦之用早休、貳膳者今之齡也、和羹之味如忘、謹披勅書、俯奉勅旨、宰臣之親、皇后之祖、隆邦家之褒賞、叶兆民之仰望、三宮之儀、一門之擬歸、歸者、渙汗之命、慙慨于情、檢舊風於寬仁、則不及前賢、百萬里、尋故實於治曆、亦猶少曾祖十餘年、有何微猷、繼彼勝躅、況復長女崇德后之備后妃也、穉輦而占芝砌、少子賴長之帶將相也、閃電戟而步槐庭、臣非材非藝、少功少勳、經四代之明時、爲一朝之元老、高秩厚禮者、君之惠渥焉、嘉遁逸遊者、臣之願足矣、方今容姿差變、診候屢加、擺塵累於城闕、驗谷神於林泉、松軒秋風、傳山中宰相之遺愛、藥欄曉露、訪淮南道士之秘方、伏羨陛下參天之德、專容鄙懷、兩曜之明、曲察野贖、前表所請、皆徒停廢、至于岩阿、逃名郊端、養性、帝鄉不遠、伴白雲而廻往來之駕、樵徑爲隣、逐青嵐而恣閑放之心、旣斷羈束、寧叨寵榮、不耐荷懼之至、重抗表陳、乞以聞、臣某誠惶誠恐頓首頓首死罪死罪謹言、

保延六年七月十二日

從一位臣藤原朝臣上表

〔宣胤卿記〕長享三年四月四日壬辰、大閣持通准后事勅許、明日以消息宣秀可、宣下由、勸修寺大納

言狀到來、法中准后消息宣下、度々事歟、俗中准后消息宣下、初例歟、不然事也、勅書略定歟、甚可謂無

念、五日癸巳、二條殿大閣持通准后事賀申、進例之太刀、御出座、消息宣下、無例歟、之由申之、今時分

雖有斟酌、有子細被忘云々、定御得度、近日歟、之由推量、又封戶數事、先例申不審之由、無御所見云々、

一條殿有御所見歟、可尋申云々者、參殿下尋申此事、後成恩寺殿兼原御時文書紛失、其以前成恩